

# MAJLIS PENGANUGERAHAN PINGAT JASA MALAYSIA (PJM) KEPADA VETERAN ANGKATAN TENTERA MALAYSIA (ATM) PERINGKAT NEGERI SARAWAK

[airforce.mil.my/berita/acara-rasmi/3268-majlis-penganugerahan-pingat-jasa-malaysia-pjm-kepada-veteran-angkatan-tentera-malaysia-atm-peringkat-negeri-sarawak](http://airforce.mil.my/berita/acara-rasmi/3268-majlis-penganugerahan-pingat-jasa-malaysia-pjm-kepada-veteran-angkatan-tentera-malaysia-atm-peringkat-negeri-sarawak)

KUCHING, 3 Apr 18 - Seramai 130 orang veteran ATM telah menerima Pingat Jasa Malaysia yang telah disempurnakan oleh Panglima Tentera Udara, YBhg Jen Tan Sri Dato' Sri Hj Affendi bin Buang TUDM bertempat di Dewan Sri Angkasa, Pangkalan Udara Kuching.



Majlis penganugerahan ini adalah merupakan anjuran bersama TUDM dan Jabatan Hal Ehwal Veteran (JHEV) bagi mengenang dan menghargai jasa serta pengorbanan perwira-perwira Negara yang telah menyemai bakti di dalam mempertahankan kedaulatan Negara semasa berkhidmat di dalam ATM ketika era darurat yang lalu.



Pingat Jasa Malaysia adalah sebuah *campaign* medal yang telah dizahirkan melalui statusnya bertarikh 3 Mac 2004 dan diperkenankan oleh Seri Paduka Baginda Yang Dipertuan Agong Tuanku Syed Sirajuddin ibni Almarhum Tuanku Syed Putra Jamalullail.



Pingat ini dikurniakan kepada anggota-anggota ATM khususnya yang berkhidmat pada 1 Jan 1969 sehingga 17 Okt 1990 yang turut dikenali sebagai perkhidmatan semasa darurat kedua. Tempoh ini merupakan jangka masa bagi pahlawan-pahlawan ATM khasnya yang terlibat dalam memerangi penganas komunis malaya secara langsung pada 1 Jan 1969 sehingga 2 Dis 1999 dan sehingga 17 Okt 1990 bagi operasi menentang Parti Komunis Kalimantan Utara.



Menerusi statusnya sebagai sebuah *campaign* medal yang tersohor di Negara ini, justeru pingat ini telah dimartabatkan sebagai pingat yang terkanan berbanding dengan anugerah-anugerah lain yang sama kelas dengannya.



Turut hadir ke majlis penganugerahan PJM ini adalah  
Mej Jen Dato' Johar Razali bin Hj Ahmad TUDM (IJTU),  
Mej Jen Dato' Ir Razali bin Abd Ghani TUDM (AKS  
Kejuruteraan), Brig Jen Ahmad bin Abd Rahman TUDM  
(AKS Tadbir) serta pegawai-pegawai Kanan ATM dan  
JHEV.

TUDM merakamkan setinggi tahniah dan sekalung  
penghargaan kepada semua penerima-penerima PJM  
sebentar tadi.



